

Teškoće s kojima se suočava naša duhovna disciplina

Bilo je predodređeno da mi se Dafa praktikanti pridruže u spašavanju života u ovom historijskom trenutku. Zavjetovali ste se na ovo prije početka historije. Ispuniti taj zavjet je veličanstvena i sveta čast kakva nije postojala od stvaranja univerzuma. Međutim, ono što to uključuje je teško, iskušavajuće i opasno. Čovječanstvu je teško shvatiti kakvu izvanrednu milost iskazuju Dafa praktikanti u ljudskom svijetu. Dok oni koji prakticiraju Dafa rade na suzbijanju progona i spašavanju života, iza kulisa zli duhovi podstiču ljude da napadaju i progone praktikante, kao i mene, pod raznim zemaljskim izgovorima.

Teškoće se nameću našoj praksi od 1999. godine, kada su započele u Kini, i nikada nisu prestajale, bilo u Sjedinjenim Američkim Državama ili drugdje u svijetu. Kada pokušate spasiti bića, aktivira se karma koju su ona stvorila u svojim prošlim životima, a demonski entiteti će je vjerovatno iskoristiti da izazovu poremećaje i nanesu štetu bilo gdje i bilo kada. Dok Dafa praktikanti slijede svog Učitelja i nastoje spasiti živa bića, oni rade na vlastitom duhovnom oslobađanju i rade na vlastitoj karmi. Međutim, demonski entiteti pokušavaju iskoristiti karmu Dafa praktikanata i blokirati njihove napore da spase živote. Budući da oni koji su spašeni ne mogu sami iskupiti sve svoje grijeha i karmu iz prošlosti, božanska bića ih moraju milostivo osloboditi jednog njenog dijela, dok im dio ostavljaju da to sama snose. I ja za njih moram da podnesem dio toga. I tako, što više živih bića bude spašeno, više moram izdržati. I vi, sami, ćete se suočiti sa nedaćama ako budete makar malo nepažljivi dok radite na okončanju progona.

Nevolje sa kojima se medijska kompanija, koju su osnovali praktikanti, sada suočava uglavnom su posljedica toga što praktikanti ne rade dobro, mada mislim da su također na djelu zakulisni faktori iz drugih dimenzija. Mislili ste da je teško bez sredstava se boriti protiv progona KPK, i htjeli ste zaraditi novac za ovaj cilj; i da će američka vlast imati razumijevanja ako se nešto ne napravi kako treba. Ali to je to samo vaše razmišljanje. Mislili ste da bi to bilo opravdano jer taj novac niste koristili u druge svrhe, već za borbu protiv progona, s obzirom da se žetva organa i dalje dešava i ljudi svaki dan umiru u progonu. Ali ne smijete zaboraviti da Dafa praktikanti moraju uvijek djelovati s integritetom, inače će biti problema.

Znam da zapravo i dalje preostaje petnaest posto karme za ukloniti dok se bavimo spašavanjem života. To je ono što je ostalo nakon dvadeset i nešto godina rada na spašavanju živih bića. Znam da je to ogromna količina. Iz tog razloga će stvari koje za mene predstavljaju ogroman pritisak, kao i breme, nastaviti dolaziti, jedna za drugom. Spašavanje živih bića nije tako jednostavno kao što izgleda. I zato vidimo da se čak kuju zavjere protiv onih svetaca iz Shen Yun Performing Arts, koji spašavaju živa bića.

Naši Dafa praktikanti se suprotstavljaju zloj, ogromnoj i strašnoj propagandnoj mašineriji KPK, i vidjeli su kako ona koristi silu cijele nacije da ih napadne u svakom aspektu njihovog života. Dafa praktikanti izvan Kine su malobrojni, pa su oni, koji su roditelji, pronašli načine da njihova djeca pomognu u borbi protiv progona. Kako bi djelotvorno podržali ovaj cilj, Fei Tian Academy of Arts i Fei Tian College su se pobrinuli da njihovi učenici ne samo budu dobri u nastavi, već i da se razviju u umjetnike koji se suprotstavljaju progону na nenasilan način. Oni svijetu pokazuju kakva je Kina bila prije komunizma, pomažu ljudima da sagledaju KPK onakvu kakva jeste, razotkrivaju progон i prenose poruku da Božansko spašava živote u posljednjim vremenima. Tokom nastupa, pozitivna energija se koristi kako bi se otklonile nevolje koje čekaju ljude, a od toga imaju koristi Amerikanci, kao i ostatak svijeta. Dakle, svaki član Dafa zajednice je angažovan u borbi protiv progona.

U Kini su svi praktikanti, i djeca i odrasli, podvrgnuti iskušenjima. Čak se i mala djeca zatvaraju ili umiru uslijed progona. Shen Yun daje nekim učenicima priliku da nastupe sa trupom kroz praktikum za učenike. Njihovi roditelji su se nadali da bi njihova djeca mogla pomoći u borbi protiv progona dok se još školuju, i zato su ih poslali u Fei Tian. Tokom procesa prijema, škola je uvijek postavljala pitanje učenicima zašto žele da pohađaju Fei Tian, a oni su uvijek odgovarali da žele pomoći svom Učitelju u cilju spašavanja živih bića. Oni čeznu da jednog dana nastupaju sa Shen Yunom, razotkrivaju progон KPK i pomažu u spašavanju svoje braće i sestara u Kini. Svi mi, mladi ili stari, osjećamo odgovornost za spašavanje živih bića i suzbijanje progona. Neki od mlađih učenika su izuzetno odlučni, uprkos svojim godinama. Rad protiv progona je ono čemu težimo u našoj duhovnoj zajednici. Ne postoji nijedna vlada ili korporacija koja to zajedno s nama radi. Bilo kako bilo, još uvijek postoje ljudi koji pokušavaju potaknuti druge da napadnu Shen Yun tvrdeći da se učenici koji su još maloljetni koriste kao izvođači, a oni zapravo samo učestvuju u svojim praktikumima. Sasvim je prirodno da se svi članovi naše zajednice osjećaju dužnima da učine svoj dio u suzbijanju progona, s obzirom na njegovu prirodu, koja je bez presedana. Ako su to razlozi da se krene u napad na Shen Yun, do čega je onda Amerika došla?

Istina je da ne bismo trebali očekivati da se, kao duhovna disciplina, nećemo suočiti s teškoćama samo zato što se nalazimo na određenom mjestu; radi se o tome da one samo poprimaju različite oblike. I tokom ovih teškoća, životi se biraju da li će ostati, ili će na kraju biti prosijani, a isto pitanje važi za naše Dafa praktikante.

Vaš Učitelj,
Hongzhi Li

5. jun 2024.

(prijevod tim žuti)

prevod na bosanski, 06.06.2024